



Interno informativno glasilo Medžlisa IZ-e Tešanj

IZBOR REISU-L-ULEME



Sarajevo, 12. 10. 2019.

dr. Husein ef. Kavazović izabran za reisu-l-ulemu IZ-e u BiH
za mandat 2019-2026.



Sarajevo, 22.11.2019.

Odluku o izboru reisu-l-ulemi dr. Husein ef. Kavazoviću uručio
predsjednik Sabora Safet Softić u Gazi Husrev-begovoj džamiji.

MANIFESTACIJOM „SALAVAT TI DONOSIMO, JA RESULTALLAH“ OBILJEŽEN MJESEC MEVLUDA 1441.h.g. / 2019.g. (str. 4., 5. i 6.)



Centralna manifestacija – 09. 11. 2019.

Tradicionalni Mevlud i dodjela nagrade i priznanja
iz Fonda „Hasan ef. Škapur“ mr. Mirzi ef. Mešiću



Hafiska dova hafizu Emiru Ćemanu, Piljužići, 02. 11. 2019.

Diplomu hafizu uručio zamjenik reisu-l-uleme IZ-e u BiH
mr. Husein ef. Smajić.

OBILJEŽEN 10. DECEMBAR „DAN GRADA TEŠNJA“ (str. 8.)



Reisu-l-ulema dr. Husein ef. Kavazović na svečanosti u
povodu završetka prve faze rekonstrukcije vakufa Gazi
Ferhad-bega u Tešnju, objekat „Kahva“ 10. 12. 2019.



Promocija knjige „Tragom Gazi Ferhad-bega 1909-2019“
Atrij medžlisa IZ-e Tešanj, 20. 12. 2019.

Promotori

RIJEČ UREDNIKA

Kalendarska godina koju ispraćamo pored redovnih aktivnosti gdje su postignuti dobri rezultati ostaće, između ostalog, upamćena po obilježavanju dva značajna događaja:

Obilježavanje 460 godina od vakufname gazi Ferhad-bega koji je zaslužan za urbani razvoj grada Tešnja te 110 godina od kako je Kotarsko vakufsko mearifsko skupština izabrala članove kotarskog vakufsko-mearifskog povjereništva i njihove zamjenike u Tešnju.

Gazi Ferhad-beg je imao viziju svoga života i života drugih oko sebe o čemu svjedoči njegova vakufnama iz 1559. godine. Prema vakufnami uvakufio je džamiju, darul Kur'an, 32 dućana, mlin, han, i druge vrijednosti koje su imale ekonomski i socijalni karakter.

Kroz vrijeme nestalo je kuće Kur'ana, nestalo je dućana, nestalo mlina i hana, ali je nestalo i ljudi koji su mislili da je vakuf njihovo imanje.

U ovoj godini mi smo svjedočili o ljudima koji znaju šta je vakuf, koji čuvaju vakuf, koji obnavljaju vakuf, koji kupuju oduzeti vakuf (dućane), koji završavaju i proširuju vakuf, koji otvaraju predškolsku ustanovu Revdu, koji sanjaju o darul Kur'an i nadaju se da će snovi koji poprimaju javu biti znak ispravnog razumijevanja vremena i prostora od ljudi ovog kraja.

Povodom 110 godina obilježavanja institucionalnog razumijevanja islama na području medžlisa IZ-e Tešanj, Medžlis je izdao knjigu koja svjedoči o ljudima koji su pronosili glas o Islamskoj zajednici u proteklom 110. godina i to kao članovi:

Kotarsko-vakufsko mearifskog povjerenstva 1909.-1931.

Sresko vakufsko mearifskog povjerenstva 1932. – 1952.

Odbora Islamske zajednice Tešanj 1952. – 1998.

Medžlisa Islamske zajednice Tešanj 1998. – 2019.

Ovo su važni datumi za sve nas jer u nama izazivaju sjetu za potrebu kritičkog preispitivanja našeg odnosa prema tim osobama i tom prostoru.

Kao glavni imam Medžlis IZ-e Tešanj želim da iskažem zahvalnost svima onima koji su prepoznali važnost ovih događaja i njima se utkali u trajno dobro.

Medžlis IZ-e Tešanj je Medžlis u kome postoji sinergija – zajedničko dobro, u kome svako zna svoju ulogu i svoje mjesto, u kome su vidljivi i mjerljivi rezultati zajedničkog dobra, u kome su čestite i odgovorne džaemtilje zajedno sa svojim imamima dio pozitivne priče o Medžlisa IZ-e Tešanj.

Očekujem da godina koja je pred nama bude još uspješnija.

Aktivnosti IO Medžlisa :

Održana 8. redovna sjednica IO – 01.10.2019. u velikoj sali Medžlisa IZ-e Tešanj kojom je predsjedavao predsjednik Zehrudin Kruško, a prisustvovali svi članova i muftija zenički hafiz dr. Mvludin Dizdarević sa šefom službe za finansije Adnanom Husićem. Na sjednici je razmatran dnevni red od 9 tačaka, a usvojeni su: Izvod iz zapisnika sa 6. redoven i 7. (telefonske sjednice), informacija o realizaciji zaključaka, Izvještaj o realizaciji plana aktivnosti za Kurban-bajram 1440.h.g., Izvještaj o realizaciji plna aktivnosti za početak mektepske nastave 2019/20 godine, Izvještaj o provedenim aktivnostima u povodu Hidžre – Nove 1441.h.g., Plan obilježavanja 12. rebiu-l-evvela, i dr. U toku sjednice prisutnim se obratio muftija zenički i glavnom imamu uručio dekret o postavljenju za naredni četverogodišnji mandat.



Održana 9. redovna sjednica IO – 24.12.2019. u velikoj sali Medžlisa IZ-e Tešanj. Sjednicom je predsjedavao predsjednik IO Zehrudin Kruško, a prisustvovalo 14 članova. Na sjednici je razmatran dnevni red od 9 tačaka, a usvojen je Zapisnik sa 8. sjednice IO, Izvještaj o realizaciji programa obilježavanja 12. rebiu-l-evvela 1441.h.g., Odluka o imenovanju komisije za popis, Odluka o privremenom finansiranju, Odluka o utvrđivanju osnovice za obračun plaće, Odluka o zakupu vakufskih nekretnina za 2020.g., Odluka o stavljanju sergije za liječenej Čamdžić Salke iz Ljetinića i dr.

**POZIV NA SARADNJU**

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba ; email: info@miztesanj.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

**Glavni i odgovorni urednik: mr. Fuad ef. Omerbašić,
tehnički urednik, tekst i foto Rašid Orlović**

**Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić
i Suljo ef. Djedović prof., saradnici imami MIZ-e Tešanj.**

**Hutbe reisu-l-uleme dr. Husein ef. Kavazovića
o mevludu 08.11.2019. u Gazi Husrev-begovoj džamiji**

Hvala Allahu, Uzvišenom Gospodaru i Stvoritelju svega, živog i neživog. Milostivom Vladaru Dana sudnjeg. Neka Njegova milost obaspe vjerovjesnika Muhammeda, a.s., njegovu porodicu i sve njegove sljedbenike u svim vremenima. Zajedničkim prisustvom na džuma-namazu mi svakoga petka ispunjavamo dužnost koju nam je Allah propisao. Istovremeno, tim činom sedmičnog duhovnog i svakog drugog okupljanja iskazujemo našu svijest o pripadnosti zajednici muslimana, zajednici koju je utemeljio Allahov vjerovjesnik, Muhammed, a.s. Iskazujemo privrženost našem Poslaniku, a.s., čije rođenje obilježavamo ovih dana. Njegove poruke i njegovo učenje, postupci koje je činio, iskušenja koja je imao i stavovi koje je jasno i javno iznosio, ostali su iza njega kao trajna inspiracija zajednici muslimana i drugih ljudi do Sudnjeg dana. Istina s kojom je došao bila je i ostala ideja-vodilja milijardama ljudi na onoj istoj stazi pokornosti Uzvišenom kojom se i on kretao.

Od njegova rođenja pa sve do danas, bjelodano je vidljivo da je njegov poziv istinit, njegovi stavovi utemeljeni na čvrstom moralnom uvjerenju, na pravednom postupanju, iskrenoj i utješnoj riječi, dobronamjernom i prijateljskom odnosu naspram drugih ljudi... On je bio beskompromisni borac za istinu i pravdu. Proteklo je četrnaest stoljeća od kako je on napustio ovaj svijet, a i danas je jasan poziv iz časnog Kur'ana: „**Vi u Allahovom poslaniku imate divan uzor za onoga koji se nada Allahovoj milosti i nagradi na onom svijetu, i koji često Allaha spominje.**“ (Al-Ahzab, 21)

I danas je njegov put nada milijardama ljudi, naročito u ovom vremenu posrtanja čovječanstva, obezglavljenosti i pomanjkanja moralnih uvjerenja i normi. Njegove riječi su nada potlačenima i onima kojima se čini velika nepravda. Potaknut riječima Uzvišenog: „**Ova vaša zajednica jedna je zajednica, a Ja sam vaš Gospodar, zato se samo Meni klanjajte**“ (Al-Anbiya, 92), on je kazao: „*Vjernik je s drugim vjernikom jedno tijelo, jedna građevina, jedan drugog drže na okupu, učvršćuju...*“

U ovim svezvremenskim riječima, u ovim odama ljudskoj jednakosti i bratstvu, temeljnim nosačima i stupovima solidarnosti i samilosti među ljudima, sama je suštinska ideja islama: vjernici su braća, ljudi su braća, međusobno se pomažu, žive u harmoniji, kako između sebe, tako i sa svijetom oko sebe. Tu harmoniju je Poslanik, a.s., stalno promovirao. Mir sa sobom, mir s drugim ljudima i mir sa svijetom u kojem živimo vrhunski su ciljevi islama.

Da bi se taj mir postigao, vjernici treba da grade svoju zajednicu. Njeni temelji su Kur'an i sunnet. U njihovom sadržaju, porukama i učenjima, naša je prepoznatljiva boja, koju prenosimo na naše platno, u našu dušu, naše dove i nade, u naš moral i ophođenje s ljudima. Kur'an nam je predstavio odnose koji vladaju u svemiru. Poučio nas je o našem mjestu i ulozi u svijetu. Mi smo dio svijeta kojeg je Allah stvorio iz Svoje milosti, i koji se svakog trena izliva iz Njegove volje i moći. Ali, svijet ima svoj početak i svoj kraj, pa tako i čovjek i svako drugo živo biće. Allah je svemu odredio rok, nafaku, cilj i namjenu. Mi smo ovdje *pod kiriju*, pod ugovorom do roka određenog. Dato nam je da upravljamo dunjalučkim dobrima, s obavezom da čuvamo red na Zemlji. Svaku dobrotu koju je Bog učinio prema nama, On traži da uzvratimo prema drugima: ljubav, pažnju, samilost, pravedan postupak, praštanje... Kod Boga je bilježnica. On bilježi svaki naš postupak, zna svaku našu tajnu, zna ono što pokazujemo javno i što skrivaju naša prsa. Odredio nam je dan kada će svako izlagati svoj život, kako ga je i u što potrošio. Život je Njegov dar, zalog pod obavezom koji ćemo vratiti Njemu u času smrti, za koji ćemo podnijeti račun na Sudnjem danu.

Vjerovjesnik nas je poučio o životu u zajednici. Poučio nas je da je musliman onaj od čijeg su jezika i ruku sigurni drugi ljudi, i otkrio nam tajnu na kojoj počiva svaka zdrava i prosperitetna zajednica. Poučio nas je plemenitosti, kako da postupamo prema ljudima, kako da izvršavamo naše obaveze prema supruzi, djeci, roditeljima, komšijama i gostima.

U plemenitom postupanju vidio je ostvarenje ideala ispravnog puta, na koji Bog poziva: „**Reci: "Dodite da vam kažem šta vam Gospodar vaš zapovijeda: da Mu ništa ne pridružujete, da roditeljima dobro činite, da djecu svoju iz straha od neimaštine ne ubijate – Mi i vas i njih hranimo.**““ (Al-An'am, 151.)

„**I da se imetku siročeta ne približavate, osim na najljepši način, sve dok punoljetno ne postane, i da krivo na litru i kantar ne mjerite – mi nikoga preko njegove mogućnosti ne zadužujemo – i kad govorite da krivo ne govorite, pa makar se ticalo i srodnika, i da obaveze prema Allahu ne kršite, – eto tako vam On naređuje da biste to na umu imali.**“ (Al-An'am, 152.) „**I, doista, ovo je pravi put moj, pa se njega držite i druge puteve ne slijedite, pa da vas odvoje od puta Njegova.**“ (Al-An'am, 153). Vjerovjesnik nas je učio da nikada ne smijemo izdati čovjeka, niti ga ostaviti kada mu je pomoć potrebna i okrenuti glavu na drugu stranu, kao da nas se ne tiče njegova nevolja. Poučio nas je da je svaki ljudski problem i naš problem, govoreći: „*Bog je na pomoći čovjeku, sve dok je čovjek na pomoći svom bratu*“.

Danas, dok obilježavamo njegov mevlud, pored nas prolaze hiljade ljudi u očaju, goli i bos, bez krova nad glavom, bez zaštite, gladni i žedni. Prolaze žene i djeca, prepuštena i ostavljena često trgovcima robljem, čija tijela završavaju u kamionskim hladnjačama. Ne pozivam se na našu patnju i pređeni put u prošlosti; to je bila kušnja onima kojima smo mi bili pred očima! Ovi nevoljnici, muhadžiri, žene i djeca, naša su kušnja, naš životni ispit, ispit naše zrelosti u slijeđenju Božijeg puta i staze Njegova vjerovjesnika, a.s. Farz je pomoći čovjeka nevoljnika. Kao zajednica muslimana, moramo postupiti kako nam Uzvišeni određuje, makar sami na tome ostali. Ovo je prilika da naše društvo moralno ozdravi, da se vodimo ljudskim, a ne nekim drugim ciljevima, da budemo ljudi po Božijem naumu, Njegovi odgovorni namjesnici na Zemlji.

Vrijeme je da svako od nas zaviri u svoj zavežljaj kojeg nosimo oko vrata i vidi šta u njemu nedostaje od poputnine za put koji nam predstoji. Svi smo mi muhadžiri, svi imamo svoju muku, bili toga svjesni ili ne.

Pozivam vas na sučeljenje sa samima sobom, s našim duhovnim nasljedem, njegovim učenjem i ciljevima koje nam je postavio Muhammed, a.s. Neka svako od nas pogleda gdje mu je mjesto kod Allaha i Njegova vjerovjesnika.

Koliko Vjerovjesnikovo učenje i njegov životni primjer oblikuju naš život, koliko nas inspiriraju i potiču, duhovno i moralno uzdižu i uljuđuju! Zamolimo Allaha da se smiluje nama, našim prethodnicima i našim potomcima. Molimo Ga da nas osnaži i nadahne naše grudi da činimo dobro, kad god nam se ukaže prilika za to i ma gdje bili; da uvijek postupamo onako kako priliči ljudima i kako je dostojno čovjeka, čuvajući svoje dostojanstvo i dostojanstvo naše braće i sestara, muslimana i muslimanki.

Znajte da je Allah obećao da će pomoći vjernike! U Kur'anu je objavio riječi koje na to upućuju: „**A dužnost nam je bila vjernike pomoći.**“ (Ar-Rum, 47)

I, na kraju, podsjetimo se na Božiju riječ: „**Allah vam naređuje da pravedno postupate, i da dobročinstvo ljudima činite i rodbini bližoj, a razvat, zlo i nasilje vam zabranjuje, da to na znanje primite On vas savjetuje.**“ (An-Nahl, 90)

OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Hafiska dova hafiza Emira Ćemana održana u džamiji džemata Piljužići, 02. 11. 2019.godine poslije podne-namaza. Kur'an su učili hafizi: Mirnes ef. Spahić, Nedžad ef. Ćeman, mr. Nermin ef. Ibrahimović, Abdulah Mrkonjić, mr. Almir ef. Hadžić, Anes ef. Mulić, Almir ef. Salkanović prof. i Hamdo Solo, a kratke sure hafiz Emir, nakon čega je muhafiz Ahmed ef. Bukvić, voditelj tešanjске Škole Kur'ana kome je hafiz Emir 6 kandidat koga izvodi u časno zvanje hafiza Kur'ana, proučio dovu.



Pored 11 hafiza, dovi je prisustvovao veliki broj vjernika, kojima je dobrodošlicu na početku programa poželio džematski imam Adem ef. Garić prof., a nakon čestitki hafizu, obratili su im se glavni imam Medžlisa IZ-e Tešanj mr. Fuad ef. Omerbašić i muftija zenički hfz. dr. Mevludin ef. Dizdarević.



Na kraju je zamjenik reisu-l-uleme mr. Husein ef. Samjić čestitao hafizu, muhafizu i roditeljima te se obratio prisutnima i uz tekbire uručio diplomu hafizu Emiru.

Hafiz Emir Ćeman je sin Mirsadov i Ajkin, rođen u Tešnju 15. 12. 1994. godine. Osnovnu školu je završio u Jelahu, a srednju ekonomsku 2014. g. u Tešnju. Trenutno je nezaposlen i neoženjen. Od 1. novembra 2016. godine do maja 2019.godine proučio je hifs pred muhafizom hafizom Ahmed ef. Bukvićem prof. Pred komisijom Islamske zajednice u Sarajevu u sastavu: hafiz dr. Dževad ef. Šošić, predsjednik; hafiz dr. Dževad ef. Hrvačić zamjenik predsjednika, hafiz Muhamed ef. Čajlaković i hafiz Abdulaziz ef. Drkić članovi uspješno je položio hifs 30. septembra 2019.godine za petnaest dana učeći po dva džuzua dnevno. Hafiz Emir je 22. poslijeratni tešanjски hafiz, a 3 hafiz džemata Piljužići.



Hafiz Emir sa roditeljima i muhafizom

Mevlud i uručenje vakufnama vakifima u mesdžidu Ravne, 03.11.2019. poslije jacie-namaza. Mevud su proučili imami okolnih džemata.

Vakufname za izgradnju mesdžida su uručene vakifima: Mularifović Fuad, Mularifović Šaha, Mularifović Hasan, Mularifović Harisa, Mularifović Zineta, Mularifović Husein, Mularifović Muris, Mularifović Mujo, Mularifović Halid, Mularifović Mina, Mularifović Arif, Mularifović Haris, Mularifović Mersiha, Mularifović Halid pred dušu oca hadži Arifa, Mularifović Halid pred dušu majke hadži Alije, Mularifović Halid pred dušu djeda Muje, Mularifović Halid pred dušu nane Zumre, Mularifović Halid pred dušu djeda Bejtji Huseina, Mularifović Halid pred dušu nane Bejtji Hanke, Dolamić Enes ped dušu oca Huse, Dolamić Enes ped dušu majke Paše, Terzimehić Mirnes, Omahać Mihret, "FUDO" d.o.o Tešanj, "Poljoprivredna djelatnost" Tešanj, Mularifović Adil, Mularifović Adil pred duše roditelja Arifa i Alije; Mularifović Adil pred dušu Mularifović Zinete i Mularifović Adil za suprugu Enisu. Zahvalnice su uručene vakifima: mr. Enver ef. Kurtiću, Mehmed ef. Karamoviću, Sulji ef. Bejtjiću, Ahmedu Hunduru, Jahić Husi i Seni, Dolamić Mehmedaliji, Dolamić Hamzaliji, Subašić Hajrudinu, Mujaković Besimu, Omahać Suadi, Jusofović Damiru, Galijašević Fajki i Inox d.o.o Ajanović.



Promocija knjige "Muhammed a.s. u očima naše uleme" održana u džamiji džemata Jelah, 08.11.2019.godine poslije jacie namaza.

Promotori su bili autori knjige: zamjenik reisu-l-uleme mr. Husein ef. Smajić i dr. Nezir ef. Halilović, te glavni imam mr. Fuad ef. Omerbašić. Moderator je bio džematski imam mr. hafiz Almir ef. Hadžić



Promotori

Priredba i izložba kaligrafskih radova učenika Srednje tehničke škole Tešanj održana u amfiteatru i holu šole 08.11.2019. poslije džuma-namaza Manifestacija je započela prigodnim programom u amfiteatru škole, u okviru koga su učenici učili Kur'an, prigodne ilahije i recitacije, a prisutnima se obratili glavni imam i direktorica škole.

Program je nastavljen otvaranjem izložbe kaligrafskih radova kaligrafske sekcije učenika postavljene u holu škole i podjelom hadisa, halve i kolača svim učenicima i gostima na ulazu u školu.

OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Centralna manifestacija Muftijstva Zeničkog i Medžlisa - Mevlud i dodjela nagrade i priznanja iz Fonda Hasan ef. Škapur” održana u Čarši-džamiji 09. 11. 2019. (12. rebiu-l-evvela 1441.) poslije podne-namaza.

Priznanje mr. Mirzi Mešiću uručio je muftija zenički hfz. dr. Mevludin ef. Dizdarević, a nagradu predsjednik IO Medžlisa IZ-e Tešanj Zehrudin Kruško.

Prigodno mevludski program proučili su imami Medžlisa IZ Tešanj, a prisutnima se obratili: imam Čarši džamije mr. Enver ef. Kurtić, glavni imam Medžlisa IZ Tešanj mr. Fuad ef. Omerbašić, mr. Mirza ef. Mešić i muftija zenički hfz. dr. Mevludin ef. Dizdarević.



Ovo je 16. priznanje i nagrada koje se dodjeljuje iz ovog Fonda, iz koga je do sada uručeno 207 stipendija maturantima medresa sa područja medžlisa IZ-e Tešanj. (35.500,00 KM za stipendije i 16.000,00 KM za nagrade–ukupno 51.500,00 KM.)

Upoznavanje polaznika sa 12. rebiu-l-evvelom 09.11.2019.

od 11,00 sati učenici srednje Mješovite škole Tešanj na trgu Gazi Ferhad-beg u Tešanju, prolaznicima dijelili halvu, kolače i hadise, a ispred Čarši-džamije poslali izložbu vlastitih kaligrafskih radova. Pred otvorenje izložbe u atriju Medžlisa IZ-e Tešanj su im se obratili glavni imam i dobitnik ovogodišnje nagade i priznanja iz Fonda “Hasan ef. Škapur” mr. Mirza ef. Mešić i pridružili im se maturanti medresa.

Uručene stipendija maturantima medresa, 09.11.2019. godine u iznosu od po 180,00 KM i to;

Red. br.	PREZIME I IME UČENIKA-CE	DŽEMAT	MEDRESA
1.	Tokmić Lejla	Tešanjka	Sarajevo
2.	Kapić Elvis	Raduša	Tuzla
3.	Garić Lejla	Piljužići	Sarajevo
4.	Mudrov Medina	Piljužići	Visoko
5.	Smajić Melika	Miljanovci	Tuzla
6.	Delić Zakir	Miljanovci	Sarajevo
7.	Hasak Šejma	Miljanovci	Sarajevo
8.	Hodžić Sajra	Lepenica	Sarajevo
9.	Bošnjak Lejla	Kalošević	Tuzla
10.	Smajić Selma	N. Miljanovci	Tuzla
11.	Šabanović Safet	Lepenica	Tuzla
12.	Sprečak Mustafa	Vukovo	Tuzla
13.	Mešić Muhamed	Čarši džamija	Tuzla
14.	Šaćirović Adem	Piljužići	Visoko
15.	Ramić Senahid	Mrkotić	Tuzla
16.	Fatić Enida	Kalošević	Tuzla
17.	Bekrić Almina	Lepenica	Sarajevo



Tradicionalni mevlud proučili imama u džamiji Bukva 09.11.2019. poslije akšam-namaza uz obraćanje džematskog imama Ibrahim ef. Okanovića prof. i glavnog imam.



Tradicionalni 14. Mevlud učenika OŠ “Džemal Bijedić” Miljanovci održan 09.11.2019 u džamiji džemata Novi Miljanovci poslije jacie namaza uz obraćanje džematskog imama, glavnog imama i Raif ef. Hasaka prof.



Mevlud u džematu Karadaglije-Koprivci-Oruč održan u džamiji 10.11.2019. poslije podne-namaza. Mevlud su proučili imami Medžlisa IZ-e Tešanj, a prigodno se obratili džematski imam Husein ef. Bećirović prof., kurra hafiz Alija ef. Rahman prof. i glavni imam.



Tribina za žene održana u atriju Medžlisa 11. 11. 2019. godine, poslije jacie-namaza uz obraćanje moderatorice Fatime Čeman i gošće iz Medžlisa IZ-e Split muallime Suade Hadžić.



Mevludi u džematima sa polaznicima mektepske nastave i uz obraćanje džematskih imama:

- Jablanica – 08.11. 2019. poslije jaciye-namaza,
- Trepče - 08.11. 2019. poslije jaciye-namaza,
- Jevadžije – 09.11.2019. poslije akšam namaza,
- Šije - 09.11.2019. poslije akšam namaza,
- Čaglići - 09.11.2019. poslije akšam namaza,
- Medakovo - 09.11.2019. poslije jaciye namaza,
- Lepenica - 09.11.2019. poslije jaciye namaza,
- Bobare-Drinčići - 09.11.2019. poslije jaciye namaza,
- Dolac-Kotlanice - 09.11.2019. poslije jaciye namaza,
- Kalošević - 10.11.2019. poslije akšam namaza,
- Džemilić Planje - 10.11.2019. poslije jaciye namaza,
- Miljanovci - 10.11.2019. poslije jaciye namaza,
- Oraš Planje – 10.11.2019. poslije jaciye namaza

Tradicionalni 50. Mevlud u Džematu Tešanjka održan u džamiji 17.11.2019. poslije podne-namaza. Mevlud su proučili imami Medžlisa IZ-e Tešanj, a obratili su se džematski imam Mustaf a ef. Balić prof., glavni imam i Muftija zenički hafiz dr. Mevludin ef. Dizdarević.



Tradicionalni “Hadžijski Mevlud” u džematu Mrkotić-Putešić održan u džamiji 15.11.2019. poslije džuma-namaza.

Mevlud su proučili imami okolnih džemata i polaznici mektepske nastave, a prisutnima se prigodno obratili džematski imam Hajrudin ef. Delić i glavni imam.

Mračaj-Potočani, Tradicionalno veče Kur'ana i mevluda 31.12. 2019. održano u džamiji poslije jaciye-namaza uz učešće tešanjskih hafiza, imama, hora džemata Mračaj-Potočani, džematskog imama Muris ef. Bračkana, glavnog imama i gosta vaiza mr. Ahmed ef. Čolića.

Tribine u džematima uz obraćanje glavnog imama i predavača:

Dibekhana džamija, 19.10.2019. poslije jaciye-namaza. Tema: “Kako se suočiti sa teškim situacijama u životu” Ševal ef. Delić.

Lepenica, 26.10.2019. u džamiji poslije jaciye-namaza. Tema: “Najbolji ljudi u hadisu Allahova Poslanika” Bersad ef. Kozlić.

Hamzibegova dž., 02.11.2019. poslije jaciye-namaza. Tema: “Oni koji će izgubiti Poslanikov a.s. šefa’at” Husein ef. Bećirović.

Trepče, 16.11.2019. poslije jaciye-namaza. Tema: “Blagodati Dženneta” Mustafa ef. Balić.

Raduša, 22.11.2019. poslije jaciye-namaza. Tema: “Bolest kao blagodat” Predavač gost hafiz Nedim ef. Botić.

Ljetinić, 23.11.2019. poslije jaciye-namaza. Tema: “Potomstvo je Allahov dž.š. dar” Ibrahim ef. Okanovići Enver ef. Kurtić.

Čarši-dž., 30.11.2019. poslije jaciye namaza. Tema: “Poslanik a.s. začetnik institucionalnog djelovanja” Raif ef. Hasak.

Mrkotić-Putešić, 06.12.2019. poslije jaciye-namaza. Gost predavač Salih ef. Haušić.

Jelah, 07.12.2019. poslije jaciye-namaza. Tema: “Emanet vjere” hafiz Almir ef. Salkanović.

Džemilić Planje, 14.12.2019. poslije jaciye-namaza, Tema: “Vjeru mora pratiti dobro djelo” Dževad ef. Bećirović.

Piljužići, 15.12.2019. posije jaciye namaza, gost predavač dr. Šefik ef. Kurdić.

Miljanovci, 21.12.2019. poslije jaciye namaza. Tema: „Budimo dobročinitelji“ Suljo ef. Djedović.

Mrkotić-Putešić, 28.12.2019. poslije jaciye namaza. Tema: „Dova i njen značaj za vjernika“ Amar ef. Bedaković.

Dobropolje-Mekiš – Tema: „Promijeni što možeš – Allah će što ne možeš“ gost predavač hafiz Amar ef. Bašić.



Dibekhana



Miljanovci



Piljužići

Tradicionalni trurnir u malom fudbalu učenika OŠ “Huso Hodžić” održan u fiskulturnoj dvorani škole, 17.11.2019. Kao i svih ranijih godina i ove godine je turnir otvorio i prisutnim ekipama, nastavnicima i gledaocima se obratio glavni imam.



Druženje sa Amelom Tukom u organizaciji mreže mladih, održano i u povodu Dana državnosti BiH u Centru za kulturu Tešanj 24.11.2019. Prisutne je selamio i prigodno im se obratio glavni imam, Belmin ef. Bašić koordinator za rad sa mladma i Amel Tuka, viceprvak svijeta na 800 m.



OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Kviz takmičenje polaznika mekthepeke nastave kvalifikaciono održano pismenim testom u Šarenom mektebu 16.11.2019. sa učesćem 48 takmičara, a finalno 21.11.2019. godine u Dibekhana džamiji na temu “Muhammed, Poslanik Islama s.a.v.s.”. Nakon provedenog takmičenja i prigodnog obraćanja glavnog imama proglašeni su pobjednici: Prvo mjesto ekipa mekteba Piljužići, (Hajrić Irma i Kurdić Amina), drugo mjesto ekipa Šarenog mekteba (Ibrahimović Nedžma i Sinanović Abdulah) i treće mjesto ekipa mekteba Ljetinić (Bekrić Lamija i Salkanović Lejla).



Promocija knjige “Kockanje je zlo” održana u atriju Medžlisa 29.11.2019. poslije jacije-namaza. Promotori su bili dr. Nezir Halilović, dr. Ferid ef. Dautović i glavni imam, a prisustvovali su, pored brojnih tešnjaka, i učenici srednjih škola.

**Događaji, iz naših džemata...**

Tešanj, 01.10.2019. Posjeta muftije Zeničkog hafiza dr. Mevludin ef. Dizdarevića - seminar sa imamima, prisustvo sjednici IO, posjeta objektu Kahva i obdaništu Revda.



Kutahya džamija, 04.10.2019. Proučen Jasin i hatma dova pred duše vakifa iz Turske pred džuma-namaz koji su pomogli izgradnju ove džamije. Dovu je proučio Dževad ef. Hasanbašić.

Dova se uči u povodu obilježavanja „Sedmice džamija“ u Turskoj, a u okviru saradnje Medžlisa IZ-e Tešanj sa Savjetnikom za vjerska pitanja pri ambasadi Republike Turske u Sarajevu i uz saglasost Rijasetu IZ-e.



Džemilic Planje – izgrađen novi mermerni mihrab, ćurs i nosivi stubovi u džamiji. Završeni radovi na unutrašnjem uređenju vakufske kuće (laminat, grijanje, pločice). Instalirana javna rasvjeta u haremu džamije.



Iz sredstava zekata i sadekatu-l-fitra **opremljene novim namještajem mekthepeke učionice:** Mekiš, Oručje i Brdo (Lepenica) 20.10.2019.



U mektebu Oručje

Jevadžije, 02.10.2019. postavljena nova prostirka u džamiji.
Medakovo – Postavljene nove roletne na prozore u džamiji.
Tešanj – završeni grubi radovi i pokrivena vakufske kuća - dvojni objekat za stanove imama Čarši i Dibekhana dž.
Tešanj – završena rekonstrukcija objekta Kahva.

Oraš Planje – Večer Kur'ana – U petak, 18.10. 2019. godine, u novouređenoj staroj džamiji džemata Oraš Planje poslije akšam-namaza održana večer Kur'ana i uručene vakufname vakifima. Ajete Kur'ana Časnog učili su tešanjski hafizi: hfz Ahmed ef. Bukvić, hfz Almir ef. Salkanović, hfz Nermin ef. Ibrahimović, hfz Anes ef. Mulić i gosti iz Sarajeva hfz Omer ef. Zulić i hfz Salih ef. Halilović. U toku programa prisutnim džematlijama su se prigodno obratili glavi imam Medžlisa IZ-e Tešanj mr. Fuad ef. Omerbašić i direktor Vakufske direkcije Sarajeva hfz dr. Senaid ef. Zaimović koji su uručili i vakufname i to: Saltagić Hamdija, Čorić Jasmin, Kamenica Sead, Mujčinović Ramiz i Ešefa, Džihlić Latif, Ganjgo Ahmet.



Glavni imam i predsjednik IO upriličili prijeme za: penzionere 25.12.2019., najbolje prikupljače zekata 26.12.2019. godine i koordinate Medžlisa IZ-e Tešanj 27.12.2019.

OBILJEŽEN 10. DECEMBAR OPĆINSKI PRAZNIK „DAN GRADA TEŠNJA“**Svečanost u povodu završetka prve faze rekonstrukcije vakufa Gazi Ferhad-bega u Tešnju 10.12.2019.**

U okviru općinske manifestacije „Dani grada Tešnja 2019.“ a povodom 460 godina od uspostave vakufa Gazi Fehad-bega u Tešnju (vakufnama od 10.12.1559.) u atriju Medžlisa IZ-e Tešanj održana je svečanost završetka prve faze rekonstrukcije vakufa Gazi Ferhad-bega, odnosno završetka radova na rekonstrukciji objekta Kahva.

Svečanost je organiziran na visokom nivou uz prisustvo najviših predstavnika Islamske zajednice u Bosni i Hercegovini na čelu sa Njegovom eminencijom reisu-l-ulemom dr. Husein ef. Kavazovićem, pored kog su prisustvovali: direktor Vakufske direkcije Sarajevo hafiz dr. Senaid Zaimović, muftija zenički hafiz dr. Mevludin ef. Dizdarević te gost Rifat Turker zamjenik direktora Generalne direkcije za vakufe Republike Turske.



U obilasku rekonstruisanog prOstora objekta Kahva



U okviru ove posjete reisu-l-uleme je posjetio i Općinu Tešanj gdje mu je domaćin bio Općinski načelnik mr. Suad Huskić

Čarši-džamija, održano drugo takmičenje u hifzu sure Jasin i prvo u hifzu sure Mulk – 09.12.2019.

Pobjednici u hifzu sure Jasin su: 1. mjesto - Smajić Vedad iz mekteba Novo Selo, 2. mjesto – Dizdarević Sara iz Šarenog mekteba i 3. mjesto Jašić Husein iz mekteba Dolac-Kotlanice. Pobjednici u hifzu sure Mulk su: 1. mjesto - Bukvić Ajša iz Škole Kur'ana Tešanj, 2. mjesto – Sinanović Zejneb iz Škole Kur'ana Tešanj i 3. mjesto – Halilović Ishak iz mekteba Karadaglije-Koprivci-Oruč.



Medžlis – promocije knjige „Tragom Gazi Ferhad-bega 1909-2019.“ koju je izdao Medžlis u povodu 110 godina od provođenje prvih izbora u IZ-i u BiH (1909.g. i)konstituisanja autonomnih organa IZ-e, a priredili: Fuad ef. Omerbašić, Ahmet Hundur i Rašid Orlović.

Pored priređivača promotori su bili muftija zenički hafiz dr. Mevludin ef. Dizdarević i Irfan Ljevaković.

**JAVNI PROGRAMI**

Medžlis – 17.10.2019. Manifestacija “Sjećanje na život i djelo Omer ef. Okanovića” u povodu obilježavanja 107. godišnjice osnivanja Udruženja Ilmijje u BiH, OO Ilmijje Tešanj je organizirao manifestaciju “Sjećanje na život i djelo Omer ef. Okanovića.”

U Čarši džamiji je pred jaciju namaz proučena hatma dova pred dušu Omer ef., a nakon proučene hatme koju su proučili imami Medžlisa IZ-e Tešanj u prepunom atriju Medžlisa IZ-e Tešanj na navedenu temu govorili su: glavni imam Medžlisa IZ-e Tešanj mr. Fuad ef. Omerbašić, Ahmet ef. Mešić, predsjednik OO Ilmijje Tešanj Suljo ef. Djedović prof. i najstariji član IO i savremenik Omer ef. Hadži Edib Turalić.



Medžlis – predavanje i radionica “Oralno zdravlje porodice” održani u organizaciji odjela za brak, porodicu i ženski aktivizam Medžlisa IZ-e Tepšanj u nedjelju 22. 12. 2019. godine u velikoj sali i atriju Medžlisa IZ-e Tešanj. Predavanje su održale i radionicama rukovodile doktorice stomatologije: dr. Badema Begović-Isić, dr. Sumeja Turkić, dr. Emina Delić i dr. Adina Krkalić. Moderator je bila Fatima Čeman, koordinatorica Odjela za brak, porodicu i ženski aktivizam.

